



## O‘ZBEKISTON VA JANUBIY KOREYA O‘RTASIDAGI HAMKORLIK TARIXI

---

*Ikromova Mushtariybonu Ilxomjon qizi*

*Andijon davlat universiteti*

*“Tarix” fakulteti 301-guruh talabasi*

*Ilmiy rahbar: Abdullayev Bekzod Xusniddin o‘g‘li*

*O‘zbekiston tarixi kafedrasida o‘qituvchisi*

**Abstrak:** Ushbu maqolada O‘zbekiston Respublikasi va Koreya Respublikasi o‘rtasidagi hamkorlikning boshlanishi hamda uning tarixiy ahamiyati ilmiy manbalar asosida bayon qilinadi.

**Kalit so‘zlar:** Hamkorlik, investitsiya, diplomatiya, elchixonona, savdo.

**Abstract:** This article describes the beginning of cooperation between the Republic of Uzbekistan and the Republic of Korea and its historical significance based on scientific sources.

**Key words:** Cooperation, investment, diplomacy, embassy, trade.

**Аннотация:** В данной статье на основе научных источников описано начало сотрудничества между Республикой Узбекистан и Республикой Корея и его историческое значение.

**Ключевые слова:** Сотрудничество, инвестиции, дипломатия, посольство, торговля.

### KIRISH

O‘zbekiston Respublikasi 1991-yil 31-avgust kuni o‘zining mustaqil davlat ekanini e‘lon qilgandan so‘ng Xalqaro miqyosda ko‘plab davlatlar tomonidan tan olinishni boshladi. Jumladan Janubiy Koreya ham birinchilardan bo‘lib O‘zbekistonning mustaqilligini tan oldi hamda u bilan diplomatik aloqalarni o‘rnatdi hamda dadil iqtisodiy aloqalarni o‘rnatishga kirishdi.

Albatta bunday aloqalardan O‘zbekiston ham manfaatdor edi. Shu o‘rinda O‘zbekiston Respublikasi birinchi Prezidenti Islom Karimovning: «Biz jahondagi barcha ezgu niyatli, taraqqiyparvar xalqlar va millatlar bilan hamjihat bo‘lib, nafaqat G‘arb davlatlari, balki Yaponiya, Janubiy Koreya, Malayziya kabi rivojlangan sharq mamlakatlarida bo‘lganidek erkin va farovon xayot qurishga intilmoqdamiz» degan so‘zlarini esga olishimiz zarur [1].



## Natijalar

1991 yil 30 dekabr kuni Koreya Respublikasi davlatimiz mustaqilligini tan oldi. Davlatlar o'rtasidagi diplomatik aloqalar 1992 yil 29 yanvardan boshlangan edi [2]. Shu yili erishilgan kelishuvga ko'ra 1996-yil Asakada avtomashina zavodi ishga tushirildi. Ushbu avtomashina zavodi dastlab yiliga 100 mingta avtomashina ishlab chiqargan bo'lsa, keyinchalik to'la quvvat bilan 200 mingta avtomashina ishlab chiqara boshladi.

Boshqa sohalarida ham savdo munosabatlari jadallik bilan rivojlanib bordi. Jumladan 2006 yilda O'zbekiston Respublikasi va Koreya Respublikasi Strategik hamkorlik to'g'risidagi o'zaro deklaratsiyani imzoladilar. Bu voqea siyosiy, savdo, iqtisodiy, investitsiya va madaniyat sohalarida ikki tomonlama hamkorlikni yangi bosqichga olib chiqdi.

2017-yil 22-25-noyabr kunlari Prezident Shavkat Mirziyoyev o'z faoliyatining dastlabki vaqtidayoq Prezident Mun Chje Inning taklifiga binoan davlat tashrifi bilan Koreya Respublikasida bo'ldi. Oliy darajadagi muzokaralarda o'zaro hamkorlikning keng ko'lamlil masalalari, siyosiy, savdo-iqtisodiy, moliyaviy-sarmoyaviy, ilmiy-texnikaviy, madaniy-gumanitar va boshqa sohalaridagi davlatlararo aloqalarni yanada rivojlantirish istiqbollari muhokama qilish, mintaqaviy va xalqaro muammolar yuzasidan fikr almashildi.





Davlatimiz rahbari, shuningdek, Milliy Assambleya Spikeri va Koreya Respublikasi Bosh vaziri bilan uchrashib, ikki davlatning yetakchi iqtisodiy va moliyaviy tuzilmalari rahbarlari ishtirokidagi O‘zbekiston - Janubiy Koreya biznes forumida ishtirok etdi [3]. Ushbu uchrashuv davomida erishilgan kelishuvlar natijasida tomonlar o‘rtasidagi hamkorlik yanada mustahkamlandi.

O‘zaro munosabatlar faqat davlat rahbarlari o‘rtasidagina bo‘lib qolmay mamlakatlar parlamentlararo aloqalar yo‘nalishidagi o‘zaro hamkorlikni ham jadal rivojlantirishmoqda. 1995-yilda Koreya Respublikasining Milliy Assambleyasida “Koreya – O‘zbekiston” parlamentning do‘stlik uyushmasi tashkil etildi. Ushbu tashkilot Koreya Milliy Assambleyasi va O‘zbekiston Respublikasi Oliy majlisining o‘zaro hamkorligini yanada yaxshilashga hizmat qiladi. 2005 yildan boshlab Oliy Majlisning Koreya Respublikasi Milliy Assambleyasi bilan hamkorlik bo‘yicha parlamentlararo guruhi faoliyat yuritmoqda. 2012 yil yanvar oyida ikki davlat o‘rtasidagi diplomatik aloqalarning 20 yilligi munosabati bilan Koreya Respublikasining Milliy Assambleyasi spikeri Pak Xi Te O‘zbekistonga tashrif buyurdi. Bu ham ikki davlat o‘rtasidagi munosabatlarning keng qamrovli ekanligini hamda istiqbolli loyihalarning hali anchaligini ko‘rsatadi.

### Xulosa

O‘zbekiston va Koreya o‘rtasidagi hamkorlikning tarixiga nazar soladigan bo‘lsak ikki mamlakat o‘rtasidagi munosabatlar doimo iliq va o‘zaro manfaatli hamkorlikka asoslangan hisoblanadi. Ushbu hamkorlikning kelgusida ham rivojlanib borishidan ikki tomon ham birdek manfaatdor. Ayniqsa bugungi kunga kelib O‘zbekiston har qachongidan ham ko‘ra ko‘proq chet el investerlarida qiziqish uyg‘otmoqda.

### Foydalanilgan Adabiyotlar:

1. Muminov Khusanboy Madaminjanovich, & Kodirjonov Omadjon Tavakkaljon Ugli. (2024). HISTORY OF DIPLOMATIC AND ECONOMIC RELATIONS BETWEEN THE REPUBLIC OF UZBEKISTAN AND THE PEOPLE’S REPUBLIC OF CHINA (1991-2016). *International Journal Of History And Political Sciences*, 4(02), 12–19. <https://doi.org/10.37547/ijhps/Volume04Issue02-03>
2. Kun.uz. URL: <https://kun.uz/uz/news/2017/11/22/uzbekiston-va-korea-urtasidagi-siesij-amkorlik>
3. Shamsutdinov R., Mo‘minov X. O‘zbekiston tarixi. –Toshkent: Sharq 2019. –B 558.